

四庫全書

集部

欽定四庫全書

集部

宋元詩會卷十三

詳校官中書臣陸 湘

主事銜臣徐以坤覆勘

總校官知縣臣繆 琪

校對官中書臣牛稔文

謄錄監生臣黃 鑫

欽定四庫全書

宋元詩會卷十一

兵部主事陳焯編

歐陽修

下

河南王尉西齋

寒齋日蕭索天外敞簷楹竹雪晴猶覆山  
窻夜自明會歸窺野客雲去入重城欲就  
陶潛飲應須載酒行

離彭婆值雨投臨汝驛回寄張九屯田司錄

投館野花邊羸駭晚不前  
山橋斷行路溪雨漲春田  
樹冷無棲鳥村深起暮烟  
洛陽山已盡休更問伊川

送祝熙載之東陽主簿

吳江通海浦畫舸候潮歸  
疊鼓山間響高帆鳥外飛  
孤城秋枕水千室夜鳴機  
試問還家客遼東今是非

勞亭驛

孤舟轉山曲豁爾見平川  
樹杪帆初落峯頭月正圓  
荒烟幾家聚瘦野一刀田  
行客愁明發驚灘鳥道前

題淨慧大師禪齋

巾屨諸方遍莓苔一室前  
菱花吟次

一作處

落孤月定中

圓齋鉢都人施談機海外傳  
時應暮鐘響來度禁城烟

送孟都官知蜀州

名郎出粉闥佳郡古關西  
幾驛秦亭盡千山蜀鳥啼  
朱輪照耕野綠芋覆秋畦  
向闕應東望雲深隴樹迷

廣愛寺

都人布金地紺宇巋然存  
山氣蒸經閣鐘聲出國門  
老

杉春自綠古壁雨先昏應有幽人屐來留石蘚痕

雨後獨行洛北

北闕望南山明嵐雜紫烟歸雲向嵩嶺殘雨過一作迴伊

川樹遶芳隄外橋橫落照前依依半荒苑行處獨聞蟬

智蟾上人遊南嶽

終日念雲壑南歸心浩然青山入楚路白水望湖田野  
渡惟浮鉢山家少施錢到時春尚蚤收茗綠巖前

張主簿東齋

官舍掩寒扉聊同隱者棲溪流穿竹過

一作迴

山鳥入城

啼賓至高談勝心冥外物齊惟應朝枕夢長厭隔鄰

一作

林  
鷄

春晚同應之偶至普明寺小飲作

偶來林下徑共酌竹間亭積雨添芳

一作芳

沼殘花點綠

萍野陰侵席潤芳氣襲人醒禽鳥休驚顧都忘兀兀形

送張如京之安肅軍

相逢舊從事新命忽臨戎界上山河壯軍中鼓角雄朔

風馳駿馬塞雪射驚鴻試取封侯印何如筆硯功

鄭十一先輩赴四明幕

梁漢褒斜險夫君畏遠遊家臨月山下帆入海潮頭岸  
柳行梢盡江蓴歸漸秋故鄉看衣錦寧羨李膺舟

送丁元珍峽州判官

為客久南方西遊更異鄉江通蜀國遠山閉楚祠荒油  
幕無軍事清猿斷客腸惟應陪畫諾不費日飛觴

送王尚恭隰州幕



去國初遊宦從軍苦寂寥愁雲帶

一作傍

城起畫角向山

飄秋勁方馳馬春寒正襲貂遙知為客恨應賴酒杯消

### 送餘姚陳寺丞

銅墨佩腰間中流望若

一作似

仙鳴蟬汴河柳畫鷁越鄉

船下瀨逢江雁瞻氛落海鳶山川仍客思盡入隱侯篇

### 初寒

多病淹殘歲初寒悄獨吟雲容乍濃淡秋色半晴陰籬菊催佳節山泉響夜琴自能知此樂何必戀腰金

夕照

夕照留歌扇餘暉上桂叢霞光晴散錦雨氣晚成虹燕  
下翻池草烏鶯傍井桐無慘照湘水丹色映秋風

禁火

火禁開何晚春芳半已凋柳風無絮墜榆雨帶錢飄淚  
剪蘭膏盡弦虧桂魄消祓觴流水曲游襖一相招

閒居即事

巷有容車陋門無載酒過池喧蛙怒雨客去雀驚羅握

臂如枝骨哀絃繫

一作擊

筋歌無慘漳浦臥還似詠中阿

夜意

蕙炷爐熏斷蘭膏燭豔煎夜風多起籟曉月漸虧弦鵲  
去星低漢烏啼樹暝烟惟應牆外柳三起復三眠

送客回馬上作

南浦空波綠西陂夕照寒瑤華傷遠道芳草遶歸鞍翠  
斂遙山疊氛收古澤寬衰容畏秋色不及楚楓丹

小圃

桂樹鴛鴦起蘭苕翡翠翔風高絲引絮雨罷葉生光蝶  
粉花霑紫蜂茸露溼黃愁醒與消渴容易為春傷

旅思

調苦歌非樂岐多淚始零羞彈長鋏劍終戀五侯鯖陌  
草熏沙綠江楓照岸青南陔動歸思蘭葉向春馨

留守相公移鎮漢東

周郊徹楚垌舊相擁新旌路識青山在人今白首行問  
農穿稻野候節見梅英腰組人稀識偏應邸吏驚

伊川獨遊

綠樹遶伊川人行亂石間寒雲依晚日白馬向青山路  
轉香林出僧歸楚渡閒巖阿誰可訪興盡復空還

題張損之學士蘭皋亭

碕岸接芳蹊琴觴此自怡林花朝落砌山月夜臨池雨  
積蛙鳴亂春歸鳥哢移惟應乘興客不待主人知

黃溪夜泊

楚人自古登臨恨暫到愁腸已九回萬樹蒼烟三峽暗

滿川明月一猿哀，非鄉況復驚殘歲。  
慰客偏宜把酒盃，行見江山且吟詠。  
不因遷謫豈能來。

縣舍不種花，惟栽楠木冬青茶竹之類，因戲書七

言四韻

結綬當年仕兩京，自憐年少體猶輕。  
伊川洛浦尋芳徧，魏紫姚黃照眼明。  
客思病來生白髮，山城春至少紅英。  
芳叢密葉聊須種，猶得蕭蕭聽雨聲。

戲答元珍

春風疑不到天涯二月山城未見花  
殘雪壓枝猶有橘  
凍雷驚筍欲抽芽  
夜聞歸雁生鄉思  
病入新年感物華  
曾是洛陽花下客  
野芳雖晚不須嗟

夷陵歲暮書事呈元珍表臣

蕭條雞犬亂山中  
時節崢嶸忽已窮  
遊女髻鬟風俗古  
野巫歌舞歲年豐  
平時都邑今為陋  
敵國江山昔最雄  
荆楚先賢多勝跡  
不辭攜酒問鄰翁

離峽州後回寄元珍表臣

經年遷謫厭荆蠻惟有江山興未闌醉裏人歸青草渡

夢中船下武牙灘野花零落

一作亂

風前亂

一作舞

飛雨蕭

條江上寒荻筍時魚方有味恨無佳客共杯盤

內直對月寄子華舍人持國廷評

禁署

一作省

沈沈玉漏傳月華雲表溢金盤纖埃不隔光

初滿萬物無聲夜向闌蓮燭燒殘愁夢斷蕙爐熏歇覺  
衣單水晶宮鎖黃金闕故比人間分外寒

李留後家聞箏坐上作



不聽哀箏二十年忽逢纖指弄鳴絃  
綿蠻巧囀花間舌  
鳴咽交流水下泉  
常謂此聲全已絕  
問渠從小自誰傳  
樽前笑我聞彈罷  
白髮蕭蕭涕泫然

和梅聖俞元夕登東樓

憑高寓目偶乘閒  
袷服遊人見往還  
明月正臨雙闕上  
行歌遙聽九衢間  
黃金絡一作束馬追朱轡  
紅燭籠紗照

玉顏與世漸一作已

踈嗟老矣佳辰樂事豈相關

和較藝書事

相隨懷詔下天關一鎖南宮隔幾旬玉塵清談消永日  
金樽美酒惜餘春杯盤錫粥春風冷池館榆錢夜雨新  
猶是人間好時節歸休過我莫辭頻

出省有日書事

凌晨小雨壓塵輕閒意登高望禁城樹色連雲春泱泱  
風光著草日晴明看榆吐莢驚將落見鵲移巢忽已成  
誰向兒童報歸日為翁寒食少

一作且

留飭

和較藝將軍

槐柳來時綠未勻，開門節物一番新。  
踏青寒食追遊騎，賜火清明忝侍臣。  
拂面蜘蛛占喜事，入簾蝴蝶報家人。  
莫嗔年少思歸切，白髮衰翁尚惜春。

唐崇徽公主手痕和韓內翰

故鄉飛鳥尚啁啾，何況悲笳出塞愁。  
青塚埋魂知不返，翠崖遺跡為誰留。  
玉顏自古為身累，肉食何人與國謀。  
行路至今空歎息，巖花澗草自春秋。

蚤朝感事

簾外星辰逐斗移，紫河聲轉下雲西。  
九雛鳥起城將曙，百尺樓高月易低。  
露裊蘭苕惟有淚，秋荒桃李不成蹊。  
西堂吟思無人助，草滿池塘夢自迷。

送目

送目衡

一作衡

臯望不休江蘋高，下遍汀洲長堤柳。曲妨

回首小苑花深礙，倚樓楚徑蕙風消。  
病渴洛城花雪蕩，春愁流杯三日佳。  
期過擲度蘭波負勝遊。

舟中寄劉昉秀才

東南天濶漾歸流西北雲高斷寸眸  
明月隨人來遠浦  
青山答鼓送行舟  
歸心逐夢成魚鳥  
夜漢看星識斗牛

釀

一作  
駭

酒開樽誰共醉  
清江聊且玩遊鯨

即目

李徑陰森接翠疇  
押簾風日澹清秋  
晚烏藏柳棲殘照  
遠燕傷風失故樓  
星漢經年雖可望  
雲波千疊不緘愁  
平居革帶頻移孔  
誰問無繆沈隱侯

初至虎牙灘見江類龍門

曉鼓潭潭客夢驚虎牙灘上擢船行山形酷似龍門秀  
江色不如伊水清平日兩京人少壯今年三峽歲崢嶸  
卧聞乳石淙流響疑是香林八節聲

贈王介甫

翰林風月三千首吏部文章二百年老去自憐心尚在  
後來誰與子爭先朱門歌舞爭新態綠綺塵埃試拂絃  
常恨聞名不相識相逢樽酒盍留連

酬王君玉中秋席上待月值雨

疎星牢落曉光微殘月蒼龍闕角西玉勒爭門隨仗入  
牙牌當殿報班齊羽儀雖接鵷兼鷺野性終存鹿與麋  
笑殺汝陰常處士十年騎馬聽朝音雞

寄渭州王仲儀龍圖

羨君三作臨邊守慣聽悲笳不慘然弓勁秋風鳴畫角  
帳寒春雪壓青氊威行四境烽烟斷響入千山號令傳  
翠幕紅燈照羅綺心情何似十年前

三日赴宴口占

賜飲欣逢禊節佳  
昆池新漲碧無涯  
九門寒食多遊騎  
三月春陰正養花  
共喜流觴修故事  
自憐霜鬢惜年華  
鳳城殘照歸鞍晚  
禁籞無風柳自斜

蘇主簿挽歌

洵

布衣馳譽入京都  
丹旆俄驚

一作聞

反舊問諸老誰能先

賈誼君王猶未識  
相如三年弟子行  
喪禮千兩鄉人會  
葬車我獨空齋挂  
塵榻遺編時閱子  
雲書

戲書示黎教授



古郡誰云僻陋邦我來乃值歲豐穰烏銜棗實園林熟

一作

蜂採檜花村落香世治人方安壠畝興闢吾欲反

耕桑若無潁水肥魚蟹終老仙鄉作醉鄉

答資政鄧諫議見寄

豪橫當年氣吐虹蕭條晚節鬢如蓬欲知潁水新居士

即是潁山舊醉翁所樂藩籬追尺

一作

鷄敢言寥廓逐

冥鴻期公歸輔巖廊上顧我無忘畎畝中

曉詠

池上雖然無皓魄，樽前殊未減清歡。  
綠醅自有寒中力，紅粉尤宜燭下看。  
羅綺塵隨歌扇動，管絃聲雜雨荷乾。  
客舟閒卧王夫子，詩陣教誰主將壇。

答端明王尚書見寄

多病新還太守章，歸來白首興何長。  
琴書自是千金產，日月閒銷百刻香。  
尚有俸錢沽美酒，自栽花圃趁新陽。  
醉翁生計今如此，一笑何時共一觴。

豐樂亭遊春 三首

綠樹交加山鳥啼  
晴風蕩漾落花飛  
鳥歌花舞太守醉  
明日酒醒春已歸

春雲淡淡日輝輝  
草惹行襟絮拂衣  
行到亭西逢太守  
籃輿酩酊插花歸

紅樹青山日欲斜  
長郊草色綠無涯  
遊人不管春將老  
盡一作來往亭前踏落花

畫眉鳥

百轉千聲隨意移  
山花紅紫樹高低  
始知鎖向金籠聽

不及林間自在啼

別滁

花光濃郁柳輕明酌酒花前送我行我亦且

一作紙如常

日醉莫教絃管作離聲

蔣之奇附

字穎叔宜興人舉進士中春秋三傳科擢監察御史轉殿中初之奇為歐陽修所厚附會濮議以得御史復懼衆議乃引無根之詞劾修用掩前跡會問狀無實貶監道州酒稅改宣州厯福建淮東轉運判官副使元祐初進待制知潭州改知廣州徙河北都轉運知瀛州紹聖中拜翰林學士崇寧初

出如杭州移疾提舉靈仙觀辛年七十四之奇  
官內外以治辦稱獨叛歐陽修為清議所薄

### 甘卓壘

人家白雪中鳥道青雲裏耕鑿競畬田漁樵喧會市繡  
出羅霄山倒流楊岐水三真不可尋寥寥忽千祀更想  
用兵時踟躕甘卓壘

### 萍鄉即事

地接長沙近鄉名自古聞毛山千嶂雪玉女一墩雲

### 嘉禾驛

盱江清淺見遊鱗百尺飛橋跨碧津行過水南看更好  
風光駘蕩百花春

磨劍池

聞說旌陽舊築壇故修浮水一來看至今磨劍池猶在  
冷浸一天星斗寒

孤嶺

蛟綃剪下碧雙垂歸挹清流背紫微北向更登孤嶺去  
此身還傍白雲飛

謝景初

謝絳希深之長子濤之  
孫也初仕官餘姚令

餘姚董役海隄有作

五行交相陵海水不潤下處處壞堤防白浪大於馬顧  
予為其長恐懼敢暫捨董衆完築塞跋履率曠野使人  
安於生茲不羞民社調和陰與陽自有任責者

法喜堂

虛堂庇風雨結構不務壯外飾無髹髹置物況容長開

篋藥劑靈拈碁白黑抗階花澹亦天庭石碧交向出門  
鳥雀喧燕處物我喪吳俗夸有素佛徒侈相尚獨能守  
質靜坐以矯流宕棲之果自喜何須山海上下

謝伯初

文鑑但有姓名未詳爵里考其詩係寄歐陽永叔夷陵而歐在夷陵時亦有長句代書寄謝三舍人當即伯初也

許昌公宇書懷呈歐陽永叔韓子華王介甫

十年趨競浪求榮因得閒曹減宦情  
亂種黃花看野景



旋移高竹聽秋聲  
驅馳賤事猶干祿  
約勒清狂為近名  
蚤晚持竿釣鱸鰕  
雙溪烟雨一舟橫

走筆寄夷陵歐陽永叔

舟行無險似瞿塘  
蒲峽猿聲斷旅腸  
萬里更堪人謫宦  
經年應合鬢成霜  
長官衫色江波綠  
學士文華蜀錦張  
去似長沙非黜辱  
比於連郡亦遐荒

韓退之以言事  
初貶連州令

可

能作賦嘲巫渚好  
為投文吊耒陽

杜子美下耒  
陽路經峽

下國難

留金馬客新詩傳  
與竹枝娘才如夢  
得多為累情甚安

仁久悼亡絕境化成儒雅俗遠民爭識校讐郎典詞縣  
待修青史諫草當來露皂囊不用臨流羨漁者便將纓  
足濯滄浪

王疇

字景彝曹州濟陰人父博文官同知樞密疇以父  
蔭補將作監主簿登進士第累遷太常博士宋祁  
提舉諸司庫務薦疇勾當公事時有宦官同提舉  
者疇謝不任用賈昌朝薦改編修唐書累遷給事  
中於英宗即位後上疏切直所請御朝聽政及仁  
宗虞祭配享諸大禮皆有裨益帝與執政大臣俱  
器異之遷翰林學士數月拜樞密副使  
在位五十五日卒贈兵部尚書謚忠簡

送同年蒲叔範察判杭州監

釋之久未調王粲嘗從軍謂言塞垣事壯氣橫風雲育  
材幸明代薦賢無令君如何漢酤冗沈此荆山珍萍氏  
本幾酒周官有彛倫孝武事攘卻志清天地屯連兵無  
時已四海蕭然貧官始操釀具權之飽師人利源一以  
洩頽波蕩無垠糜穀費耒耜良藥爭清醇酒禁著律令  
犯笞及其身狂藥乃陷穽傷哉堯舜民失靈屬我后天  
資英且仁邦力蚤雄富漢制仍相循歲賦二十萬經入

固已勤

大農天下酒科  
歲復緒如此

彌年擁武節乘邊清國氛雄雄

百萬師跨邁聯燕秦仰給傾府庫賞賚圖戎勲加斂猶

不足返古當何云杭城東南劇地將湖海鄰權利冠天

下旗亭壓重闌彼雖斗筭職亦擇才英臣風露氣已肅

溪潭寒彌新沙榜朝泛泛吳濤暮沄沄南州近牛斗氣

象雄霜旻汀楓變老枿赤葉晴相紛嘗茶泊幽寺觀魚

下輕輪行當收翹楚寧復混蒸薪無為狎吳叟坐戀秋

江蓴

李 覲

字泰伯建昌軍南城人俊辨能文親老以教授自  
資從學常數十百人皇祐初范仲淹薦為試太學  
助教上明堂定制圖嘉祐中用國子監奏召為海  
門主簿太學說書而卒所著有周禮致太平論平  
土書退居類稿  
皇祐續稿等書

流杯池

幽居久不樂心死如涇灰聞言山有池仙客曾流杯披  
衫向西坐欲望無崇臺何當命遊宴盡聚不羈才顧恐  
狹隘地未足開吾懷仰手斲河漢決向天南來移舟復

轉嶽壅遏成環迴橫持北斗柄量盡酒星醕箕踞接下  
流一畝空千壘八風助吟唱萬怪供朝諧醉來散髮臥  
蠅聲視霆雷冷笑勢利子茫茫塵土堆

穫稻

朝陽過山來下田猶露溼餉婦念兒啼逢人不敢立青  
黃先後收斷折偃僂拾鳥鼠盈官倉新租喜復入

哀老婦

里中一老婦行行啼路隅自悼未亡人暮年從二夫寡

時十八九嫁時六十餘昔日遺腹兒今茲垂白鬚子豈  
不欲養母豈不願居徭役及下戶財盡無所輸異籍幸  
可免嫁母乃良圖牽車送出門急如賊盜驅兒孫孫有  
婦小大攀且呼回頭與永訣得死無刑誅我時聞此言  
為之長歎吁天民固有窮鰥寡實其徒吾君務復古旦  
旦師黃虞赦書褒節婦許與旌門閭州縣莫能察詔旨  
徒成虛

寄懷 二首

鳥獸死有用羽角筋革齒輦輓入工師飾作軍國器玉  
食白如瓠瞑目已腐穢生者不敢留埋藏與螻蟻百年  
富貴身孰若鳥獸類惟有令人名終古如不死

根生但為松翼飛但為鳳王侯尚可輕道義本來重癡  
兒似婢妾寸步矜恩寵傍人忍笑時把衣袂弄

江亭醉後

平生尚倜儻壯大苦摧折主人能結納佳境為鋪設渺  
瀰東江來豁豁暮雲裂倡女稍多藝市酒且供啜俠氣



復何聊心朋幸相悅解冠從放蕩大呼誰輓掣咄哉千  
里足嗟呼三寸舌艷唱聲非雅戲譚理當謫帷房笑私  
昵閭巷嘲瑣屑更鼓莫催睡夜風纔去熱俗士鮮大志  
于今重小節內家豕在泥外貌犬伏紲吾儕古英豪方  
寸浴日月被謗肯自疑為歡顧猶拙放飯彼不慙使我  
無齒決

美女篇

繁霜毒春木花開苦不蚤愚夫擇利婚美女貧中老曷

不治顏色門前車馬道閨房有禮文自銜誰言好俗態  
競朱粉古心慕蘋藻所期君子思卒以慰枯槁

竹齋題事

低齋結空野小竹移孤林齋閒竹淨好日媚幽人心南  
方夏厭暑獨此留殘陰夏雨挫殘夢穿風按涼襟長茵  
展麗蘚亂歌奏歡禽待奴累村服語客拋塵簪志高成  
利讐思爽生詩淫值聖喜盈卷感古悲入琴山迎穩履  
遠月勸澄杯深榮名雖未染幸亦非堙沈

愁熱

江湖限南鄙秋令到還稀  
節換空看歷人間未趁衣  
齊紈方得意厦燕莫言歸  
祇有松筠徑風高暑氣微

鑑湖夜泛

明月到樽前拏舟古岸邊  
亂山斜入霧遠水到垂天  
酒氣熏龍巖歌聲弄鶴眠  
迴頭嗤李郭此外更無仙

閒居

無物可勞情空郊日閉扃  
雨吟春破碎貧飲客凋零  
世

事重江陵才名一夢醒同心祇松栢見我尚青青

送張醴嘏

人意皆懷土嗟君無故園欲行須盡室此去又他門靜裏文章好貧來節行存振淹知有日倚伏豈虛言

寄題廖說蒙亭

聖人雖在上君子有窮時自得山居樂何須世俗知夜多松月分涼與水風期只恐亨通去清閒却付誰

遠山

最能牽病眼天際一山橫盡日是秋色無人知地名暗  
時雲自合缺處路應平才子霑衣淚千秋共此情

感秋

徙倚重咨嗟非緣惜歲華關山異鄉客砧杵別人家天  
冷雲含日溪清水現沙屈魂終不返悲思更無涯

次韻答陳殿丞

不能隨薄俗非是向深山自喜道無屈所嗟心未閒酒  
鄉貧更入詩債病猶還一字成虛美通宵只厚顏

讀趙氏淳化詩集

少年曾誦習誤認古人詩風雅世不重姓名誰得知高  
情知隱者薄宦過明時地下尋才鬼應逢陸與皮

送李侍禁

三載盱江上軍和盜亦殲事煩終不倦貧極始知廉別  
袖揮寒日歸舟載夜蟾懋功宜有賞天意在官占

怡山長慶寺

行行金碧裏氣象恍如春不記來時路自嫌衣上塵院

香知有佛僧靜似無人十載京華夢相逢一度新

南齋咏風

懊惱南牕一道風只應天配與貧窮不歸羅綺飄飄處  
故入松篁冷淡中久坐披襟塵榻穩半醒吹面月帷空  
城邊菡萏知多少偷得清香是爾功

殘葉

一樹摧殘拾作薪欄邊為汝最傷神休翻雨滴寒鳴夜  
曾抱花枝暖過春影裏有情惟日月愁邊無主足泥塵

上陽宮女多詩思莫寄人間取次人

早夏偶作

閒愁不覺過年光  
強半精神似醉鄉  
幾度雨來成驟熱  
有時雲斷見斜陽  
古人事業塵空滿  
故國園林草自長  
賴得南華憐我病  
一篇齊物勝醫方

篷屋

長簷數尺庇堂東  
疎漏從來只有蓬  
日影碎如秋樹下  
雨聲初似夜船中  
竹經蠹後多垂地  
筍到乾時半捲空



此處想非人所競江湖終是屬漁翁

野意亭

福塘城郭掌中窺旭日登臨到落暉誰在畫簾沽酒處  
幾多鳴櫓趁潮歸晴時海色依稀辨醉後鄉愁積漸微  
山鳥不知紅粉樂纔聞歌板便驚飛

按蔡君謨官闕  
李泰伯往訪之

時有處士陳烈同坐君謨命營妓佐酒陳素拘禮法纔  
間妓樂踰牆而走茲末句蓋嘲處士也○別本首句作  
七闌山水掌中窺乘興登臨對落暉末句作一聲檀板  
便驚飛明日處士投牒君謨大詬泰伯蔡為一笑解之

靈源洞

纔出塵來尚未知漸攀藤竹漸臨危伏流似是龍藏處  
古樹應無春到時誰把石厓齊剡削直教雲氣當簾帷  
良工畫得猶宜祕莫與凡夫肉眼窺

悶書

行行四月晦絺綌未能裁天氣疑無定春寒恐再來襲  
衣從汗浹交扇取風回野秀深成候鑪熏冷作媒年高  
情已淡俗薄意多猜李杜今何在芳樽誰與開

秦人洞

秦人雖甚苛秦吏似猶拙山林不數里便爾逃得脫

烏鵲

烏鵲翩翩競羽毛南飛無樹過良宵就中管得他人事  
祇與天孫倩作橋

睡起

簾卷鱗紋帳繫紗六龍西降樹陰斜祇應夢裏成蝴蝶  
猶記南園數種花

憶錢塘江

昔年乘醉挂歸帆  
隱隱前山日半銜  
好是滿江流返照  
水仙齊著淡紅衫

送僧遊廬山

行非為客住非家  
此去廬山況不賒  
要見南朝舊人物  
池中惟有白蓮花

戲題荷花

昔人詩筆詠蓮花  
不嫁春風蚤可嗟  
今日倚欄添懊惱  
池臺多是屬僧家

陳烈

字季慈福州侯官人性介解篇於孝友仁宗屢召之不起授本州教授國子直講皆不拜元祐初邵使者申薦之詔從其尚以宣德郎致仕卒年七十六

題福唐津亭

溪上龍虎蟠溪水鼓角喧中宵鄉夢破六月夜衾寒風雨生殘木蛟螭喜怒瀾殷勤祝舟子移櫂過前灘

題燈

富家一椀燈太倉一粒粟貧家一椀燈父子相聚哭風

流太守知不知惟恨笙歌無妙曲

按此二詩俱為蔡君謨作前以諷其

操下之急後以戒其宴遊之奢真諍友也

### 潘興嗣

字延之南昌人學士潘修真之孫以祖蔭調德化縣尉同郡許瑋拜江州守興嗣往謁路不為禮遂拂衣歸築室城南足不造請者六十餘年熙寧初公卿交薦弗起自號清逸居士卒年八十七

### 逍遙亭

作亭名逍遙此理誠不虛寬於一天下原憲惟桑樞況我卜清曠風雨庇有餘方池容潋灩小徑足縈紆花木

頗窈窕松筠亦扶疎鳴蛙送鼓吹好鳥來笙竽可琴亦  
可詠可飲亦可娛盤雖無下筋賓食亦有魚恢論或申  
旦隱几忘移晷因來展足眠醉倒從人扶率爾但欣暢  
因煩而領無鄴侯三萬軸方朔五車書棄置復棄置任  
自相賢愚無妨吾逍遙此樂誠何如

### 師道

師道久不振小儒咸自私破崖求圭角務出己新奇惻  
惻去聖遠六經秦火隳不有傳授學涉獵安所為漢儒

守一經學者如雲隨承習雖未盡模法有根基薦紳立  
朝廷開口應萬幾附對皆據經金石確不移熟爛見本  
末較然非可欺吾願下學官各立一經師務盡道德業  
不取章句辭庶幾昔人風炳然復在茲

龍沙

五陵無限人密視龍沙記龍沙雖未合氣象已靈異昔  
時蛟龍湫半作桑麻地形帶江轉洲浮有連勢陵谷  
豈可常淵竇在何歲微生久慕道安恬輒忘味愧無及



物功碌碌恒匏繫生蒙塵土厚未受神仙秘何時與孤  
鶴冉冉從此逝

大梵院

蕭蕭竹木風瑟瑟澗下水中梵晚更幽人禽聲亦喜

宋元詩會卷十一

欽定四庫全書

宋元詩會卷十二

兵部主事陳焯編

宋庠

字公序安陸人徙雍丘遂為汴人天聖初舉進士  
第一擢大理評事同判襄州召試直史館累遷左  
正言以爭郭后之廢坐罰金久之知制誥權判吏  
部流內銓詔為翰林學士寶元中參知政事與宰  
相呂夷簡論不合出知揚州皇祐中拜兵部侍郎  
同中書門下平章事諫官包拯奏庠在政府無所  
建明以觀文殿大學士出知河南府再遷兵部尚  
書以檢校太尉充樞密使封荅國公英宗即位改

欽定四庫全書

卷十二

封鄭國公卒贈太尉兼侍中諡宣獻集四十卷庠  
初名邠緣李淑欲中之言其姓名有妨國號上諭  
改此

歲晏出沐感事內訟

山海有完士希世無良籌偶穿東郭履遂別野人舟不  
恥篆刻賦來肩英俊遊私智甚鳧短塵容若鷗愁備員  
太史氏補屬富民侯姑學了官事何嘗分主憂口貪斗  
食利歲感星躔周中都富才彥方駕若龍虬茂先善史  
漢平津治春秋高文用司馬格五寵吾丘間濶路逢葛

纈紛人召鄒桑羊興賈豎安國出縲囚汲鄭貴交盛徐  
陳英藻適況乃天下樞雄雌來九州衣冠徑複道鼓吹  
出長楸席上萬錢箸橋邊八列騶雍容紱魯袂意氣拂  
吳鉤咨余良不韙瓠窶廁林瑯吹竽昔已濫在梁今可  
尤臺閣魏舒被風霜蘇季裘有志謝鶴軒無機防海鷗  
恭竢杜陵課誅茅歸故疇

有將獨鶴行都市道上者左右奔迫野態憔悴因

成短韻

明心本霄漢此路極喧埃何意鳴臯罷翻同舞市來波  
臣憂轍涸海鳥避風災寄語昂昂質非君羽獨摧

春夕

暝色蔽孤齋空軒向夕開花低應露下月暗覺雲來獨  
牖輕蛾聚風枝倦鳥猜無言聊隱几萬鏡一靈臺

寄子京

八年三郡駕朱輪更忝鴻樞對國均老去師丹多忘事  
少來之武不如人車中顧馬空能數海上浮鷗想見親

唯有弟兄歸隱志共將耕鑿報堯仁

府齋歲晏節物感人輒成拙詩上寄昭文相公

處世何常盡值才虛名高位自驚猜  
千重浪裏隨流出百尺竿頭試險回  
衰鬢不徒欺曉雪孤心無欲伴寒灰  
嵩陽潁曲風煙接已仗歸雲作隱媒

西湖展江亭

綠鴨東陂已可憐更因雪竇注西田  
鑿開魚鳥忘情地展盡汀湖極目天  
向夕舊灘都浸月過寒新樹便留煙

使君直欲稱漁叟願賜閒州不記年

宋 祁

字子京與兄庠同舉進士禮部奏祁第一章獻太  
后不欲以弟先兄乃寘祁第十呼曰小宋授復州  
軍事推官用孫奭薦召試授直史館遷太常博士  
同知禮儀院歷權三司度支判官天章閣待制判  
太常禮儀院國子監出知壽州陳州遷知制誥入  
翰林為學士改龍圖學士史館修撰修唐書書成  
遷左丞進工部尚書踰月拜翰林學士承旨尋卒  
祁兄弟皆以文學顯而祁尤能文善議論惟清約  
莊重不及其兄  
云後諡景文

九日藥市作



陽九協嘉神期入始多暇五藥會廣塵遊肩閑相駕靈  
品羅賈區仙芬冒閨舍擷露來山阿斲煙去巖罅係道  
雜提攜盈檐更薦藉乘時物無賤投乏利能射饗岑互  
作主參齊交相假曹植謹贗令韓康無二價西南歲多  
癘卑溼連春夏佳劑止刀圭千金厚相謝刺史主求瘼  
萬室繫吾化顧賴惡石功捫衿重慚喏

海搜

哆熾風葉張困絨雨皮厚叢榛列蓋端攢旄注旗首物

以稀見珍材緣怪忘醜

枇杷

有果產西裔作花凌早寒樹繁碧玉葉柯疊黃金丸上  
都不可寄咀味獨長歎

衆熙亭曉矚

長夏宜高明緩帶散煩窘憑軒一起然目與天俱盡山  
從雲端現日就林外隱風來草樹披煙生井閭近自公  
況多暇冲臆無留蘊即此可宴居何須事遊軫

和賈相公覽杜工部北征篇

唐家六葉太平罷宮艷醉骨恬無憂孽闕詎天翠華出

模糊戰血腥九州乾瘡坤瘕四海破白日殺氣寒颼颼

少陵背賊走行在採招拾橡填饑喉眼前亂離不忍見

作詩感慨陳大猷北征之篇詞最切讀者心隕如搖輶

莫肯念亂小雅怨自然流涕素安愁才高位下言不入

憤氣鬱屈蟠長虬今日奔亡匪天作向來顛倒皆廟謀

忠骸佞骨相撐拄一燎同燼悲崑丘相君覽古慨前事

追歎子美真詩流前王不見後王見願以此語詒千秋

贈楞嚴舒公上人

丈室錦城隈庭閒地徧苔飯從香積取花續少林開講  
畫經殘葉禪宵燭委煤無嫌一時學要是暮雲才

長安道中悵然作

二首

三輔古風煙征驂悵未前山園蓬穎外

賈山議始皇侈  
菲言後世不得

蓬穎  
蔽冢

宮室黍離邊樹老經唐日碑殘刻漢年便須真隕

涕不待雍門絃

興亡作今古事往始堪悲  
宮破黃山在城空北斗移  
走岡寒兔隱啼戌暮鴉饑  
灞岸重回首惟餘王粲詩

過惠崇舊居

雖昧平生契懷賢要可傷  
生涯與薪盡法意共燈長  
遺畫空觀貌殘詩孰補亡  
神期通一語無乃困津梁

贈清逸魏閒處士

奕世依嵒石褒恩下帝庭  
姓名高士傳父子少微星  
池溜遙通澗家林近帶坵  
分明詔書意天極賜鴻冥

答勸農李淵宗嘉州江行見寄

嘉月嘉州路，軻我接部船。  
山圍杜宇國，江入夜郎天。  
霽引溪流望，涼供水閣眠。  
愧君舟楫意，遂欲濟長川。

中秋新霽壕水初滿自城東隅泛舟回謝公命賦  
齋舫談經後，官池載酒行。  
斜陽鳥外落，新月樹端生。  
演漾思江浦，夷猶遶郡城。  
東轅有遺恨，日想物華清。

再遊海雲寺作

十里雲邊寺，重驅千騎來。  
天形歌野盡，江勢讓山回。  
園

柰濃成幄樓鐘近殷雷斜陽歸鞅促飛蓋冒輕埃

渡湘江

春過瀟湘渡真觀八景圖雲藏岳麓寺江入洞庭湖晴  
日花爭發豐年酒易沽長沙十萬戶遊女似京都

城隅晚意

寥寥天意晚稍覺井閭閒水落呈全嶼雲生失半山牛  
羊樵路暗燈火客舟還暝思輸鳬鵠歸飛沆瀣間

夏日陪提刑彭學士登周襄王故城

聊隨漢使者一上周王城片雨北郊晦殘陽西嶺明野  
禽呼自別香草問無名誰復黍離詠但多箕顓情

東晉

倉卒浮江日聲明建號初羣臣讓禁嚮上宰製單練氣  
銳開桁戰心歡折屐書纖兒競撞壞不念好家居

僑居

公宇靜寥寥居然俗意銷屐閒誰記齒帶適自忘腰畝  
首秋殘穫城西日暮樵比來行樂慣隨意度溪橋



臘後晚望

寒日繫難定鳴笳弄已休  
凍崖初辨馬昏谷自量牛  
漢樹臨關密湖泉入塞流  
登高能賦未風物古堯州

集江瀆池

二首

五月追涼地滄江剩素連  
林煙昏岸日樓影壓池天  
篠密工迷徑荷歌巧避船  
機忘更何事魚鳥亦留連

飛檻枕溪光歡言客徧觴  
暫雲銷樹影驟雨發荷香  
辛白橙蘂熟庖刀鱠縷長  
蘋風如有意盈衽借浮涼

將歸 二首

雲棧短長亭今茲重作經  
邛崃叱殘馭蜀分使回星  
旅  
鬢雙垂雪羈懷一泛萍  
驪駒在門久此曲若為聽

遠假西南守三逢梅柳新  
衰令宦情薄老惜歲華頻  
郛  
釀供銷日已禽巧喚春離  
家何所恨雁後作歸人

登琴臺詩

故臺千古恨猶對舊家山  
半夜鸞凰去他年駟馬還  
死  
憂封禪晚坐愛茂陵閒  
惟有飄飄氣仍存天地間

墨池

宅廢經池在人亡墨溜乾  
蟾蜍無滴破科斗共書殘  
蠹罷芸猶翠蒸餘竹自寒  
它揚無可問撫物費長嘆

西樓

炎氛隨日入岑寂坐遙帷  
倦鷺昏投浦驚蟬夜去枝  
桂華兼月破槎影帶星移  
珍重窻風好宜人即此時

官下

東泊驂驛一駐車  
颿雲茱木澹扶疎  
鄭有風經禦寇仙

遊外野識裨謔草創餘潁谷寒煙仍井邑時門殘日但  
丘墟兩都大道過從盛不稱支離佩左魚

洛陽春

寶樓斜倚闕西天北轉樓陰壓素連白雪久殘梁複道  
黃頭間守漢樓船塵輕未損朝來霧樹暖才容臘外煙  
弭節不妨饒悵戀待歌魚藻記他年

寄題相臺太尉韓公畫錦堂

瑞節前驅畫錦身堂成署榜示州民遷鶯賀燕聯翩集

嘉樹甘棠次第春  
漳岸夕波通沼溜  
魏臺曠日弄梁塵  
君看千古青編上  
得意如公有幾人

寒食假中作

九門煙樹蔽春廬  
小雨初晴撥火前  
草色引開盤馬地  
簫聲催暖賣餠天  
縈絲早絮輕無著  
弄袖和風細可憐  
鰲署侍臣貪出沐  
珉廉珠餽愧頒宣

把酒

歌管嘈嘈月露前  
且將身世付酖然  
謾誇鼯鼠機頭箭

不識醯雞甕外天青史有人譏巧宦黃金無術治流年  
君看醉趣兼醒趣始覺靈均更可憐

余既到郡有詔仍修唐書寄局中諸僚

一章通奏領州麾詔許殘書得自隨吾黨成章真小子  
官家了事是癡兒昏眸視久花爭亂倦首搔餘雪半垂  
所願弟兄皆健筆劉生當見汗青期

真定述事

莫嫌屯壘是邊州試聽山河說上游帳下文書三幕府

馬前鞞韎五諸侯王藩故社經涂國俠窟餘風解報仇  
四十年來民緩帶使君何事不輕裘

擬杜子美峽中意

天入虛樓倚百層四方遙謝此登臨  
驚風借壑為寒籟落日容雲作暝陰  
峴井北拋王粲宅楚衣南逐女嬃砧  
十年不識長安道九籥宸開紫氣深

春宴行樂家園

園芳初乾小雨泥飲壺遊屐況親攜  
身輕早蝶千回舞

枝瘠新禽百種啼。乘飲草茵侵坐輒。畏風桃綬向林低。  
陽暉自有留人意。銜照高樓未遽西。

落花

墜素翻紅各自傷。青樓煙雨忍相忘。將飛更作迴風舞。  
已落猶成半面粧。滄海客歸珠迸淚。章臺人去骨遺香。  
可能無意傳雙蝶。盡付芳心與蜜房。

將到都先獻樞密太尉相公

再試州旗驗不才。却將憔悴到中臺。相車問罷同牛喘。



大厦成時與燕來今日謀猷須丙魏他年賓客但鄒枚  
西園聞道餘春在尚及花前欲艷盃

和致政燕侍郎舟中寄晏尚書

異時仙閣對三休頓首辭榮動邃旒  
疏廣故僚供祖帳  
鷗夷盡室付歸舟側堦生玉懷歡宴  
列壁圖山代遠遊  
新句漸高塵累少紫芝巖曲要相求

送越州陸學士

梅天霞破候旗乾鄉樹依然越絕間  
挾策當年逢掖去

懷章此日繡衣還  
亭餘內史浮觴水  
路入仙人取箭山  
牛酒盛誇先墅宴  
不妨春詔得親頒

成都

風物繁雄古奧區  
十年僖父巧論都  
雲藏海客星間石  
花識文君酒處壚  
兩劍作關屏對繞  
二江聯派練平鋪  
此時全盛超西漢  
還有淵雲作頌無

九日宴射

佳節憑高駐綵旗  
亭臯霧罷轉晨曦  
朔間羽集號猿後

臺外塵飛戲馬時  
芳菊治疴爭汎葉  
丹萸辟惡徧傳枝  
明年此會知何處  
醉玉頽山不用辭

程密學知益州

墀塗晝對別堯莫  
細札芝泥襲綬馨  
三蜀舊臺呼輻寵  
十連新府夢刀靈  
雲梯霽日明鈎棧  
雨閣蒼苔蝕劒銘  
只恐廉襦歌未厭  
熒煌歸應六符星

題北樓

少城西北之高樓  
此地蒼茫天意秋  
驚風白日忽已晚

落葉長年相與愁  
極塞雲物自慘澹  
趨林鳥雀時啁啾  
纓上朔塵久不洗  
安得手弄滄江流

蜀地海棠繁媚有  
加膩幹豐條苒弱  
可愛北方所未見  
諸公作詩流播西  
人余素好玩不能  
自默然所道皆在  
前人陳跡中如國  
風申章亦無愧云

蜀國天餘煦珍艷  
地所宜濃芳不隱  
葉並艷欲燃枝  
襍綵分羣萼均霞  
點萬蕤淺深雙絕  
態啼笑兩妍姿  
絳節

排煙竦丹鉅落帶垂迴文錦官日傳信到邊遲

余昔遊雲臺觀謁希夷先生陳搏祠堂緬想其人  
今追作此詩

仙館三峯下年華百歲中夢休孤蝶往蛻在一蟬空藥  
爰微言祕宵晨浩氣通丹遺舐後鼎林遣御餘風宿霧  
沈荒白餘霞委暗紅峨眉有歸約飛步與誰同

懷古眺望

城闌聊屬眺千古恨悠悠夏享空臺毀韓亡故社留廟

祠旌潁鳳溪水識巢牛春色依林動晨煙傍戍浮序騶  
閒自集田鶴叫相求町篠黃緣密川葭霍靡柔櫟墟迷  
鄭鄙隄路隔軒遊感昔如吾輩曾經幾斛愁

詠史

古有容容福人譏齷齪員生貪巧作奏死戒直如弦欲  
重高門地非論媚竈天詩書大儒家絲竹後堂旃東閣  
翻芻馬西園竊瘞錢道謀誰執咎戶選不因賢朱鼓成  
妖日羌雛入賀年須防反室詔終取闔門憐異日讒成

錦先時默似蟬空貽後人歎流涕掩青編

覽蜀宮故城作

國破江山老人亡岸谷摧鳥飛今日屋鹿聚向時臺故  
苑猶霏雪荒池但劫灰頽遺糊處壤闔記數殘枚恨月  
窺林下悲風覓隴來依城孤獨速失廈驚徘徊廢社纔  
存樹陰垣自上苔有情惟杜宇長為故王哀

集海雲鴻慶院

地勝祠仍古春餘物徧華山雲時抱石佛雨不萎花嶺

扶樓梯峻巖牽殿城斜淙谿雜環珮怪蔓走龍蛇供坐  
僧飛鉢香園客戲沙吾遊真草草深意屬青霞

次韻和李長學士正月二十八日出郊見寄之什

邦人以是日祠保壽  
侯及唐杜丞相云

雅俗傳祠日年華重宴辰初陽澹江霧小雨破街塵客  
蓋浮輕吹齋刀儼後陳林芳催兔目原色換龍鱗壤路  
歌聲雜構倡舞疊新持盃徧酬客惟欠眼中人

十日宴江瀆亭



節去歡猶在賓來賞更延  
悠揚初短日淒緊乍寒天  
霽沼元非漲秋花自少妍  
蟻留新獻耐蕙續不殘  
煙戲鯉衝餘藻遊龜避折蓮  
流芳真可惜從此遂凋年

### 浣花泛舟

早夏清和在晴江沿渚時  
岸風搖鼓吹波日亂旌旗醉  
帶牽絀蔓游鬟撲絳蕤  
樹來驚浦進山失悟舟移雅俗  
西南盛歸輶東北馳此歡  
那復得拋恨寄天涯

### 重陽不見菊

蜀地秋高未擬寒  
翠苞如粒露華乾  
重陽已過君休恨  
留取金英晚節看

過摩訶池

二首

十頃隋家舊鑿池  
池平樹盡但迴隄  
清塵滿道君知否  
半是當年濁水泥

池邊不見帛蘭船  
麥隴連雲樹繞天  
百歲興衰已如此  
爭教東海不為田

九日食餽

飈館輕霜拂曙袍  
糗糒餐花飲鬪分  
曹劉郎不敢題  
熊字  
空負詩中一世豪

### 王珪

字禹玉成都華陽人後徙舒  
弱歲奇警出語驚人  
舉進士通判揚州召直集賢院為鹽鐵判官遷知  
制誥為翰林學士知開封府復召入為學士嘉祐  
中立皇子中書召珪草詔珪曰此大事也非面受  
旨不可明日請對得上諭始屬草歐陽修歎曰此  
真學士也英宗在位之四年詔無端明殿學士神  
宗即位遷學士承旨熙寧九年進同中書門下平  
章事拜左僕射哲宗朝封岐國公年六十七薨於  
位諡曰文珪詩文名世而相  
業無稱時號三旨宰相云

梅花

冷香疑到骨瓊艷幾堪餐  
半醉臨風折清吟拂曉觀  
贈春無限意和雪不知寒  
桃李有慚色枯枝託並欄

依韻恭和聖製龍圖天章閣觀三聖御書

半夜傳君召西清閱帝文  
筆迴丹穴鳳歌起沛鄉雲  
御幄金蚪轉仙墀羽仗分  
為章自天縱況復睿心勤

和王原叔內翰有懷

暮鑰嚴溫省宵鈴靜浴堂  
銀花無柰萎瑤草又還芳  
夢

久聞仙笛班清犯曉霜帝閨何所叩一炷祝堯香

依韻恭和聖製上元觀燈

雪消華月滿仙臺萬燭當樓寶扇開雙鳳雲中扶輦下  
六鼉海上駕山來鎬宮春酒霑周宴汾水秋風陋漢才  
一曲昇平人盡樂君王又進紫霞杯

次韻和元厚之平羌

詔收新土鳳林東四百年來一戰功蔥嶺自橫秦塞上  
金城還落漢圖中輕裘坐歎無遺策折箭來庭有舊風

零雨未濛音已捷不勞歸旅咏周公

聞仲諤貽米川大捷

神兵十萬忽乘秋西磧妖氛一夕收  
匹馬不嘶榆塞外長城自起玉關頭  
君王別繪凌煙閣將帥今輕定遠侯  
莫道無人能報國紅旗行去取涼州

金陵懷古

懷鄉訪古事悠悠獨上江城滿目秋  
一鳥帶煙來別渚數帆和雨下歸舟  
蕭蕭暮吹驚紅葉慘慘寒雲壓舊樓

故國淒涼誰與問人心無復更風流

大饗明堂慶成

皇祐更秋律明堂奉帝禋  
粢盛雖薦德霜露本懷親  
於赫朝三后思文秩百神  
九筵交玉幣重屋近星辰  
邃幄留飈御清壇墮月津  
衣冠漢儀舊金石舜韶新  
受昨開宣室鳴鐘降紫宸  
羣陰光復旦叶氣斗迴春  
靈貺叢千祝豐恩滲四垠  
慙非老詞筆徒學煥堯文

和吳相公從駕至開寶寺慶壽崇因閣

崇因開寶構金碧畫相輝禁蹕隨曦馭層城轉斗機梵  
音獅子吼妙相鷖王歸洛水浮神篆天花散御衣塔疑  
從地湧簷擬入雲飛上行乘今果羣趨懼昨非慧珠常  
自照法雨徧成霏但起真如念梯梁不可幾

宮詞 三十首

鼓角三聲夜奏嚴夕齋清廟宿重簾殿前太尉橫銀仗  
指點金盆御水添

昨日龍輿幸寶文宸毫金軸展風雲前朝御印從頭折



重整牙籤甲乙分

盤龍新織翠雲裘  
簡點黃封玉匣收  
防備秋來供御著  
金箱捧入曝衣樓

十三垂髻碧螺髭  
學舞經年後苑中  
近日昭儀抄姓字  
一時宣撥入東宮

麗日祥煙鎖禁林  
櫻桃初熟杏成陰  
年年翠輦來游幸  
花落春宮一寸深

夕宴中秋醉廣寒  
閨風銀闕鎖三山  
美人半夜歌明月

聲在玉壺天地間

六龍觀稼奉宸游  
齊賀豐年薦麥秋  
後苑宴同卿相出  
內官金盒送來甃

崇文殿裏勝蓬萊  
繡柱扶天秘閣開  
典籍校讐三館外  
圖書多出禁中來

天外明河翻玉浪  
樓西涼月湧金盆  
香銷甲乙牀前帳  
宮鎖玲瓏閉殿門

夜寒金屋篆煙飛  
燈燭分明在紫薇  
漏永禁宮三十六

宴回爭踏月輪歸

晚吹翩翩動翠旗  
爐煙千疊瑞雲飛  
何人奏對偏移刻  
御史天香隔繡衣

金井秋啼絡緯聲  
出花宮漏報嚴更  
不知誰是金鸞直  
玉宇沈沈夜氣清

紗幔薄垂金麥穗  
簾鉤纖掛玉蔥條  
樓西別起長春殿  
香碧紅泥透蜀椒

翠鈿貼靨輕如葉  
玉鳳雕釵嫋欲飛  
拂曉賀來皇帝閣

綵衣金勝近龍衣

鎖聲金掣閣門環  
簾捲真珠十二間  
別殿春風呼萬歲  
中丞新押散朝班

御案橫金殿幄紅  
扇開雲表露天容  
太常奏備三千曲  
樂府新調十二鐘

三月金明柳絮飛  
岸花堤草弄春時  
數船百戲催宣賜  
御輦今年不上池

內人稀見水鞦韆  
爭擘珠簾帳殿前  
第一錦標誰奪得

右軍輸却小樓船

禁裏春濃蝶自飛  
御蠶眠處弄新絲  
碧窻盡日教鸚鵡  
念得君王數首詩

御座垂簾繡額單  
冰山重疊貯金盤  
玉清迢遞無塵到  
殿角東西五月寒

釣線沈波漾彩舟  
魚爭芳餌上龍鈎  
內人急捧金盤接  
撥刺紅鱗躍未休

禁裏宮鶯曉未啼  
千牛仗下報班齊  
銀袍五百趨龍尾

天子臨軒賜御題

內苑宮人學打毬  
青絲飛控紫花騮  
朝朝結束防宣喚  
一樣真珠絡轡頭

後苑歸來月上初  
天歌吹引六鷺興  
春風料峭餘寒重  
猶索金函覽奏書

中宮賜雪玉成峯  
滴露堆寒冷照空  
三十六窻明月夜  
嫦娥渾在水晶宮

兩班齊賀玉闌清  
新奏熙州曲破成  
畫鼓連聲催擲偏

玉人多半未知名

博士當年教玉箏六宮誰敢鬪新聲如今舊曲無心理  
寶柱一行秋鴈橫

黃昏鎖院聽宣除翰長平明起起居撰就白麻先進草  
金泥降出內中書

雪晴鳩鵲樓邊月風落昭陽殿後梅爐炭地消香獸暖  
獨拈香箸撥紅灰

玉兔何年上月宮夜深搗藥特無蹤神丹不老嫦娥鬢

乞取刀圭駐玉容

宋元詩會卷十二